


皇朝實錄



四十八冊

大清世祖體天隆運英睿欽文大德弘功至仁純孝
章皇帝實錄卷之九十二

順治十二年六月甲寅朔

陞鑲黃旗滿洲固山一等蝦巴喀為擺牙喇甲喇

章京 免浙江杭州寧波金華衢州白州五府錢

塘寺二十一縣及海門衛十一年旱災額賦 遣

刑部主事顧仁巡按順天吏部理事官鍾有鳴巡

按江安禮部郎中孔胤樾巡按蘇松兵部員外郎

葉舟巡按浙江刑部郎中筮重光巡按江西江南

道監察御史張朝瑞巡按湖北山西道監察御史

胡來相巡按湖南中書科中書舍人朱克簡巡按
福建湖廣道監察御史祖永杰巡按河南刑部郎
中劉光謙巡按山東江南道監察御史高尔位巡
按山西兵部督捕副理事官王繼文巡按陝西戶
部理事官高民瞻巡按四川禮部郎中張純熙巡
按廣東刑部理事官張所養巡按廣西中書科中
書舍人翁祖望巡按宣大河南道監察御史聶介
巡按甘肅雲南道監察御史劉秉政巡視茶馬大
理寺副理事官周卜世巡視漕運兵部督捕郎中
王綱巡視京通二倉

乙卯

以學士初徹白為禮部右侍郎初禮部言靖南
王耿繼茂移咨部中言其子靖忠昭忠俱已長成
結姻之事惟候

上裁何敢擅自舉行求為代題疏入命會同內大臣
議奏至是同內大臣訖靖南王耿繼茂父有携眾
航海投誠功且繼茂身任巖疆之責今以二子結
姻事不敢專擅求請仰承

皇上報功恤勞仁德至意宜以在內王女下嫁得旨
和碩顯親王姊賜和碩格格號適耿精忠固山貝

子蘇布圖女賜固山格、號適耿昭忠 轉戶科
右給事中周體觀為吏科左給事中 陞兵科給
事中張璿為吏科右給事中 增設吏部滿洲司
官八員 定賜卹外藩蒙古例親王牛一頭羊八
隻酒九瓶紙一萬張郡王牛一頭羊六隻酒七瓶
紙八千張貝勒牛一頭羊四隻酒五瓶紙六千張
貝子羊五隻酒五瓶紙五千張鎮國公羊四隻酒
四瓶紙四千張輔國公羊四隻酒四瓶紙三千張
一二品台吉塔布囊羊三隻酒三瓶紙二千張三
四品台吉塔布囊羊二隻酒二瓶紙八百張下嫁

外藩固倫公主牛一頭羊八隻酒九瓶紙一萬張
和碩公主和碩格、親王福金牛一頭羊六隻酒
七瓶紙八千紙張郡王女多羅格、郡王福金牛
五隻酒五瓶紙六千張俱內院撰給祭文遣官致
祭貝勒女多羅格、貝勒福金牛三隻酒三瓶紙
五千張固山格、貝子福金牛二隻酒二瓶紙四
千張公女格、公夫人羊二隻酒二瓶紙三千張
俱遣官致祭無祭文 禮部言

四陵常祭舊令內院侍讀學士等官往讀祭文今應
停其差遣各

陵專設讀祭文筆帖式二員報可 喀爾喀部落土
謝圖汗等遣使貢駝馬宴賞如例

丙辰

贈陣歿三寺阿達哈、番李儒通為一等阿達哈
哈番

丁巳

諭礼工二部曰從來帝王所都與夫官禁近處未
有不因其形勢錫以嘉名者今名紫禁城後山為
景山西華門外臺為瀛臺其應行事宜尔二部察
例具奏

戊午

授庶吉士王紀為礼科給事中 吏部郎中宋學
洙坐典試河南宿娼受餽革職

己未

陞太常寺卿劉令譽為通政使司通政使

庚申

予故三寺阿思哈、番蘇班帶祭葬如例謚順僖

辛酉

陞侍讀學士折庫訥為內國史院學士 以拜他
喇布勒哈番索洛禧拜他喇布勒哈番兼額庫者

哈番達都克善牛录章京穆成格岳諾惠為吏
部理事官

壬戌

吏部言衡州失事罷黜各官奉有錄用之旨應給
以拖沙喇哈番品級隨朝遇缺補用報可 故明
宗室朱以燮謀叛伏誅 予故一寺阿思哈、番
理藩院侍郎尼堪祭葬如例謚勤懇

夜月生暈

癸亥

陞宗人府、丞高景為兵部右侍郎

戶部覆總

督倉場王永吉疏言運官領運之後將漕米盜賣
侵蝕發追不完欠一分者革職二分者杖一百徒
一年三分者杖一百徒三年四分者發附近衛所
充軍五分者發邊遠衛所充軍六分者絞七分者
斬八九十分者立決籍其家產人口從之 以老
病致仕三寺阿思哈、番馬光先子嗣芳故三寺
阿思哈、番巴本子朱書穆保一寺阿達哈、番
兼一拖沙喇哈番丹圖弟賓畢一寺阿達哈、番
碩塞兄蘇伯拜他喇布勒哈番兼一拖沙喇哈番
巴番叔布爾幾代丹布子達希喇麻叔畢里克番

拜他喇布勒哈番英格里伯耶古額素子衡祿陣
歿一寺阿達哈，番許朝官子念龍拖沙喇哈番
任景貴弟景功各襲職 許尔安有罪所襲父一
寺精奇尼哈番以其弟尔吉襲職 一寺阿達哈
哈番兼一拖沙喇哈番勞漢有罪削本身拜他喇
布勒哈番所襲 二寺阿達哈，番以其弟之子
拖沙喇哈番龍席庫襲職為一寺阿達哈，番

乙丑

陞鑲紅旗滿洲固山阿達哈，番佟嘉為擺牙喇
甲喇章京 朝鮮國王李湜遣陪臣表謝封世子

恩附貢方物宴賚如例

丙寅

霧青白色 厄魯得部落俄齊尔圖台吉奉表貢
馬

丁卯

諭刑部寺衙門曰朕日覽三法司章奏議決重囚
一日必五六人或十餘人念茲愚氓兵戈災祲之
後復罹法網深可憫惻稽古有虞之世民不犯于
有司漢文帝唐太宗亦幾致刑措今犯法者衆豈
果風俗日偷民盡愆不畏死歎抑朝廷德教未敷

故百姓從化無路或或讞決諸臣膠執爰書輕于
失入欵又或所在有司不肯留心化導以致扞罔
紛々欵干和召戾皆朕之責今後爾等問刑各衙
門大小諸臣遵奉此諭即將現在未結獄案悉心
清理原情準法務求平允但不得故縱市恩仍傳
諭各直省督撫申戒所屬慎重刑獄不得羅織刻
覈郡邑長吏亟倡明教化使小民明于親遜之誼
各愛身家毋輕抵罪自然獄案漸減囹圄可空其
以仰符天心漸致太平未必不由於此若奉行不
力負朕好生至意必不輕貸 陞通政使司左通

政杜篤祐為宗人府丞鑄給江寧府督鑄同
知關防予故浙江慶州總兵官劉世昌祭墓如
例 禮部言外任烏真超哈文武各官無論世襲
前程應照漢官一體賜卹報可

戊辰

免房山縣十年水災灘地額賦 寧南靖寇大將
軍陳泰寺疏報偽南安王劉文秀率偽將軍盧明
臣偽興國侯馮夔禮寺賊衆六萬舡千餘艘分兵
由常德攻岳州武昌而文秀自留攻常德夔章京
蘇克薩哈伏兵邀擊之焚獲舡隻甚多賊衆大敗

明臣赴水死雙禮被重創降其偽副將等四十餘
員文秀遁走貴州捷聞下兵部察叙

己巳

裁四川劍州判南部縣丞大學士金之俊
以久病曠職具疏辭俸不允起故明巡撫郭景
昌為廣東布政使司叅政分守嶺南道陞陝西
潼關道副使陳弘業為廣西布政使司叅政分守
蒼梧道廣西賓州道叅議袁大受為廣東按察司
副使清軍驛傳道廣東南雄府知府鄭龍光為陝
西按察司副使西寧兵備道夜京師大雨雹

庚午

申刻地方有青黑雲氣變化如龍穀生双穗

辛未

遣大理寺卿吳庫禮工部啟心郎吳世霸督捕右
侍郎霍達工科左給事中許作梅工部理事官達
都顯者庫哈番庫拜往視黃河大王廟決口

壬申

陞侍讀布肅禮為內弘文院侍讀學士以軍功
授一等阿達哈番兼一拖沙喇哈番根特路有
良一等阿達哈番郎化鱗二等阿達哈番尚

安祿蔣通拜他喇布勒哈番司茂安牛录章京陳
忠各一他、喇哈番 卹湖廣衡州府岔路口及
福建海澄縣陳歿各官贈燾章京一寺阿達哈、
番喀尔他喇署梅勒章京一寺阿達哈、番兼一
拖沙喇哈番伊尔格德署梅勒章京一寺阿達哈
哈番兼一拖沙喇哈番崇古巴圖魯擢牙喇甲喇
章京一寺阿達哈、番兼一拖沙喇哈番鄂克超
巴為三寺阿思哈、番擢牙喇甲喇章京二寺阿
達哈、番額塞署梅勒章京二寺阿達哈、番伊
穆圖二寺阿達哈、番齊克內署梅勒章京二寺

阿達哈、番懇哲為一寺阿達哈、番署甲喇章
京三寺阿達哈、番邁圖吳孫泰三寺阿達哈、
番莽古祿為二寺阿達哈、番侍讀學士拖沙喇
哈番索尔孫署甲喇章京拖沙喇哈番劉國輔為
拜他喇布勒哈番擢牙喇甲喇章京一寺阿達哈
哈番達海哈尔霸巴圖魯學士拜他喇布勒哈番
馬祿一寺伯程尼署甲喇章京拜他喇布勒哈番
鍾我署梅勒章京拜他喇布勒哈番朱三台署甲
喇章京拜他喇布勒哈番殷泰各加一拖沙喇哈
番壯大席特庫牛录章京栢天儲分得撥什庫李

天寵擢牙喇甲喇章京蘇丹壯大法克署甲喇章
京喇門壯大張古善分得撥什庫莫洛洪巴特海
阿漢布祿阿拉哈章京瓦梯滿羅壯大印章為拖
沙喇哈番 兵部覆浙閩總督佟代疏言沿海省
分應嚴禁不許片帆入海違者立置重典從之

乙亥

陞光祿寺少卿王含光為太僕寺少卿協理兵部
督捕事務補原任刑科右給事中加大理寺丞
林起龍為大理寺丞 解蘇州總兵王燦任以
總督馬鳴佩劾其防剿無能以致海賊入犯崇明

故也

丙子

兵科都給事中魏裔介劾福建提督總兵楊名高
所轄漳州郡縣被賊淪陷貽誤封疆請勅處分以
昭國法下部察議

丁丑

宗人府言襲替諸王奉旨各照其父原封號襲封
今已薨諸王應另加謚號勒碑疏入從之 以正
黃旗蒙古固山牛录章京巴泰鑲白旗滿洲固山
理事官吳納晉為甲喇章京 予殉難湖廣辰常

總兵官徐勇祭九壇造墳安墓建祠致祭

戊寅

先是廣東投誠總兵蘇利以綾書貽李定國為督標叅將張榮所獲總督李率泰以聞下兵部察議部臣以蘇利所貽綾書察其詞意通逆似真但蘇利負嵎碣石邊難深問宜以此事為定國反間之計請頒溫旨併發綾書令其自焚以安反側隨下諸王大臣議俱以部臣言是于是遣侍讀岳思泰寺骨勅往諭之以陣歿湖廣辰鎮遊擊張鵬弟勤襲拖沙喇哈番職

已卯

宗人府請以和碩承澤親王碩塞子傅果鐸仍襲封和碩承澤親王得旨傅果鐸著封和碩莊親王陞通政使司右通政潘朝選為太常寺卿大理寺少卿程正揆為太僕寺卿

辛巳

命工部立內十三衙門鐵牌勅諭曰中官之設雖自古不廢然任使失宜遂貽禍亂近如明朝王振汪直曹吉祥劉瑾魏忠賢寺專擅威權干預朝政開廠緝事枉殺無辜出鎮典兵流毒邊境甚至謀

為不軌陷害忠良煽引黨類稱功頌德以致國家
日非覆敗相尋足為鑒戒朕今裁定內官衙門及
員數職掌法制甚明以後但有犯法干政竊權納
賄囑托內外衙門交結滿漢官員越分擅奏外事
上言官吏賢否者即行凌遲處死定不姑貸特立
鐵牌世世遵守 陞戶科給事中宋牧民為本科
右給事中 裁江南操捕管屯都司各一員

秋七月癸未朔享

太廟遣內大臣公額爾免代青行禮 日食

甲申

增設工部四司副理事官八員 吏部左侍郎栗
清標以生母故請假治喪命給假三月依限回部
供職 厄魯得部落阿巴額諾顏噶爾丹霸俱上
表貢駝馬 戶部右侍郎周亮工遵旨回奏逐款
陳辯得旨知道了周亮工解任候勘這辯款情節
着該撫按一併詳察確議速奏

乙酉

兵科右給事中李開生言臣備員掖垣竊見
皇上畜治惟勤求言若渴精修訓典特遣代巡復講
官親諫臣即五帝叅王當不是過矣乃不意近日

有遣使費銀往購女子之行臣初堅不肯信及臣家人自通州來親見吏部郎中張九徵回籍其舡幾被使者封去云奉旨往揚州買女子夫發銀買女較之采選淑女自是不同但恐奉使者不能仰體

宸衷借端強買小民無知未免驚慌必將有嫁娶非時骨肉折離之慘且乘机而奸棍挾仇捏報官牙壘利却移諸弊斷不能無矣揚州邇江接海頻受賊氛男子守城婦人餽餉服勞茹苦正自難堪忽聞此舉憂懼當何如也况兵火之後鳩鵲為容使

者承命不能作無米之炊勢必沿江四路搜尋江浙諸郡萬難堪此矣從來敬舞之席易生怠荒歷史垂戒何庸臣贅今當四方多警楚閩用兵正皇上勵精圖治寢食不安之際而何暇他問也何不移此使以闕旅省此費以犒軍鼓忠勇而勵防剿之為愈乎伏乞

皇上上體

祖宗之寄托甚重下念兵民之心力甚勞鑒臣蟻衷速收成命即止去舟則宵旰之勤益專江海之氛必靖億萬年享久安長治之福矣疏入得旨前內

官監具奏乾清宮告成在即需用陳設器皿等項
合往南省買辦故令發庫銀遣人往買初無買女
子之事

太祖

太宗制度宮中從無漢女且朕素奉

皇太后慈訓豈敢妄行即天下太平之後尚且不為
何況今日朕雖不德每思效法賢聖之主朝夕焦
勞屢次下詔求言上書禁勿稱聖惟恐所行有失
若買女子入宮成何如主李開生身為言官果忠
心為主當言國家正務寔事何得以家人聞言茫

無的據不行確訪輒妄捏瀆奏加朕萬世醜名好
生可惡着革了職從重議罪具奏 更定直省文
武官相見禮提督總兵見總督儀門下馬總督拜
提督大堂下轎總督上坐提督傍坐提督有昂邦
章京弼者列坐居右提督總兵與巡撫平行巡撫
有部銜者提督于儀門下馬提督與巡按御史及
布政司按察司各道并知府同知通判推官俱平
行府廳于提督儀門下轎知州知縣由提督角門
出入提督迎送至堂簷下後堂待茶州縣官傍坐
總兵見總督由儀門步入堂下三揖後堂待茶總

兵傍坐迎送俱至堂簷下總兵見巡撫平行巡撫穿廳待總兵茶總兵大堂待巡撫茶總兵與巡按御史各部分司及布政司按察司鹽運司并各道俱平行總兵與州縣官行賓客禮副將以下俱照舊行督提總兵官以下守備中軍以上見督撫司道除閱兵外俱不披執

丁亥

先是故南贛巡撫劉武元子濱上其父遺疏稱臣原以一寺阿達哈、番兼一拖沙喇哈番出任巡撫賊犯贛州時臣率衆血戰克保城池有功未叙

乞准世襲下部議叙部議請照原官世襲一次從之

庚寅

予故巡撫南贛太子太保兵部尚書劉武元祭九壇加祭一壇造坟安葬

辛卯

上御太和殿召見巡方各御史諭之曰巡方御史屢停屢遣者良以天下之大庶僚備設欲其職任耳目以甄別賢否也爾等既為朕耳目之官出而代巡務真心勤瘁上以副朕特遣之心下以慰衆仰

望之意倘謂君門萬里恣意行私貪贓壞法致下
民怨咨斷不仍照前律止于按贓治罪雖一兩一
錢必誅無赦尔等其欽承之賜茶訖又諭之曰凡
差出御史以朕諭嚴切初亦思立名節勉邀廉潔
虛譽及將報代貪婪培克者甚衆誠有此等決不
因從前小善遂尔薄懲定當從重議處 遣內大
臣費揚古諭祭和碩鄭親王濟尔哈朗戶部尚書
郎立諭祭多羅貝勒杜尔祐禮部理事官喀世泰
胡米達諭祭輔國將軍塞克番塞勒伯 定滿洲
官員考滿加陞例初次考滿大學士六部尚書有

應加官保銜者俱候

上裁學士侍郎及通政使司大理寺等衙門正卿有
注優考者應加何銜亦候

上裁二次考滿仍列優等者加一級照舊供職二等
者紀錄三次考滿一二等者照前議加級紀錄啟
心即侍讀學士理事官初次考滿注優等者加正
卿虛銜照舊供職二次考滿仍列優等者加一級
照舊供職二等者紀錄三次考滿一二等者照前
議加級紀錄漢啟心即副理事官額者庫哈番初
次考滿注優等者加正卿虛銜照舊供職二次考

滿仍列優等者加一級照舊供職二等者紀錄三
次考滿照前議加級紀錄以福建泉州府叅將
韓尚亮為福州府水師副將都督僉事副將管江
南蕪采營叅將事梁化鳳為浙江寧波副將

壬辰

遣大理寺左寺正柯士芳往直隸右寺正甯承勛
往廣東刑部郎中劉士傑往江南王度往江北吳
頴往福建陳丹往陝西四川蕭家芝往山西劉允
燦往山東霍炳往江西員外郎侯方夏往浙江方
亨咸往湖廣西周茂源往河南恤刑陞都察

院左副都御史曹溶為戶部右侍郎

癸巳

勅諭朝鮮國王李滉曰前禮部奏爾國奸人違犯
禁例越境伐木殺死枯兒喀部落葉克樞葉兒木
二人因事關重大命爾察奏凡事內應罪之人不
容枉縱各人應得之罪不宜含糊今覽來奏雖經
鞠審情節尚未詳明如云金忠一申銀山寺止招
越境不招殺人是欲僅以越境坐罪而殺人之人
竟置不問且多人越境止以金忠一申銀山二犯
入招豈成法紀奏內蔡允豈權大德金文世不克

嚴禁互相推諉殊極痛惡既知惡其推諉何不擬罪具奏

太宗皇帝立法甚明尔君臣共宜恪守該地方府鎮竟不嚴察屬下縱容違禁肆行何得無罪尔為一國之主事前當申明禁令事發當詳擬罪名况朕意欲存柔遠於越境事情歷經寬宥尔國應懷恩奉法茲遣內大臣吳拜侍郎覺羅科兒坤學士折庫納賚勅前去王即同吳拜等將前項情節逐一研審凡應罪之人應得之罪詳確擬議王具疏奏聞以憑裁處俾法紀昭明奸頑永絕亦尔國之利

也 遣固山額真明安達理諭祭多羅信郡王多尼福金

乙未

遣固山額真明安達理祭固山貝子吳達海 予陣歿拖沙喇哈番委署化吳石叅將應太極祭葬如例 宴外藩二十七固山聽事頭目於禮部

丁酉

中元節遣官祭

福陵

昭陵

四祖陵 遣固山額真卓羅祭多羅貝勒杜尔祐

戊戌

以賈尔布為擺牙喇甲喇章京

己亥

遣官祭鎮國將軍蘇赫梅勒章京噶賴 陞大理

寺卿孫建宗為都察院左副都御史

庚子

刑部議革職兵科右給事中李開生身為言官不知乾清宮需用器皿差人採辦乃妄聽揚州買女之訛言瀆奏沽名應杖一百折贖流徙尚陽堡從

之 予告總督直隸河南山東太子少保兵部尚書馬光輝卒

壬寅

夜月暈 以陣歿一等伯兼一拖沙喇哈番程尼叔一等阿達哈、番勞畢襲職為二等公三等阿思哈、番阿喇密子齊喇木布伊爾格德子尹達理崇古巴番魯子塞特理喀尔他喇子赫特黑鄂克超巴子根敦一等阿達哈、番兼一拖沙喇哈番達海子博羅萬哈尔霸巴番魯弟滿都一等阿達哈、番額塞子滿塞齊克丙兄庫庫里伊穆番

弟之子布勒二等阿達哈、番邁苗子德木苗吳
孫泰子蘇木苗莽幾祿子馬爾代拜他喇布勒哈
番兼一拖沙喇哈番馬祿弟之子邁蘭鍾莪子費
揚古拜他喇布勒哈番索爾孫子曹習朱拖沙喇
哈番席特庫弟之子韓出漢滿羅叔之子吳弩春
蘇丹子邁土法克兄哈格莫洛洪子門代張古善
弟之子俄特海巴特海子邁習理喇明子俄黑阿
漢布祿弟阿哈圖碩占子哈尔偏各襲職 以故
三等侯朱喇代弟桑格二等阿思哈、番帥彥子
胡世巴三等阿思哈、番愛圖子秦布二等阿達

哈、番堪泰子衛黑內抗愛子禪布託克託和弟
碩塞三等阿達哈、番多鐸和子習達撒代弟伍
三台拜他喇布勒哈番兼一拖沙喇哈番喇開弟
蘇爾古阿淑子李起達勒克車子布賴費牙納弟
華善拖沙喇哈番噶喇木習希布子僧格各襲職

甲辰

禮部尚書胡世安考滿加太子太保廕一子入監
讀書

乙巳

遣內大臣費揚古祭和碩鄭親王濟爾哈朗

丙午

禮部言我朝自

太祖

太宗以來有陣歿大臣忠直元老應賜謚立碑以昭報功之典從之 陞太常寺卿潘朝選為大理寺卿提督四譯館太常寺少卿董國祥為通政使司左通政太常寺少卿朱之弼為通政使司右通政太僕寺少卿楊義為大理寺少卿通政使司左叅議許宸為順天府丞光祿寺丞桑芸為本寺少卿 陞江西右布政使范登任為本省左布政

使山東按察使陳培禎為河南布政使司右布政使陝西莊浪道副使朱衣助為河南布政使司叅政分守河南道江南廬州府知府吳允昇為山西按察司副使直隸易州道四川保寧府知府李聖翼為廣西按察司副使賓州兵備道廣東肇慶府知府張之璧為陝西按察司副使潼關道補外轉吏部主事戴玠為湖廣按察司僉事上江防道起補故明監軍道李元萃為福建按察司僉事分巡建南兵備道 陞左中允方懸成為司經局洗馬兼內翰林國史院修撰 轉右中允何采為左

春坊左中允兼內翰林弘文院編修補原任右春坊右中允兼內翰林國史院編修王舜年原官起補原任陝西道御史石維崑為山西道監察御史

丁未

停秋決以各直省恤刑官審錄未竣也 陞編修

杭奇為內翰林秘書院侍讀

戊申

遣內大臣費揚古祭和碩鄭親王濟爾哈朗以陣歿一寺阿達哈、番懇哲子德梭格拜他喇布

勒哈番兼一拖沙喇哈番尹忒叔之子綽琴朱三台弟之子紹塞拜他喇布勒哈番劉國輔兄之子文通拖沙喇哈番李天冲子弼瓦地兄之子舒書各襲職 以陣歿拖沙喇哈番栢天儲父拜他喇布勒哈番兼一拖沙喇哈番永襲襲職為三寺阿達哈、番 以故一寺阿達哈、番兼一拖沙喇哈番劉武元瀆子三寺阿達哈、番阿哈叔噶爾珠襲職 一寺阿達哈、番沈永興既襲續順公爵其職以兄之子遜承襲 以年老致仕二寺阿達哈、番李奇芳孫良棟襲職

辛亥

陞福建邵武副將張承恩為都督僉事充鎮守江
南蘄州總兵官 兵部言臣等謹按會典所載凡
天下險隘要衝地方職方司皆有圖籍而邊事特
重故鎮戍總圖九邊圖以及沿海腹裏并彘蠻搖
獞所宜備禦者著于圖說疆宇之或險或易兵馬
之宜增宜減一覽瞭然今職方司雖有舊本而時
勢既殊圖籍宜易請勅下直省各督撫將所轄境
內水陸衝區及險隘形勢畫為二圖仍節錄明季
設置兵將幾何今改設幾何詳註圖旁其正本恭

進

御前副本咨送臣部以便參酌因革損益之宜從之
吏部劾原任禮科給事中楊棲鶚兩次丁憂俱
未回籍守制現今僑寓蘇州忍心忘親子職有虧
國法難宥命革職永不叙用著督撫按嚴察驅逐
回籍

